



Findst net?

erstellt am 11. August 2015 von Angelika Tiefengraber

Schau' da amoi dei Bude au,
wia ma nua so lebn kau!
D'Potschn lingan umanaund
und vom Voatog a des Gwaund.
D'Fensta, volla Dreck und Speck,
do bleibt da do de Spucke weg!
Ordnung is do des A & O!
Siach's do ei, des is a so!
Owoschn tuat ma do glei.
Daun is gschegn, daun is vorbei!
Jo und d'Wäsch de gheat an d'Luft,
daun hot's do glei an bessan Duft!

Wos, du isst Fleisch? Des is net woah!
Vegan muasst lebm, des is do kloah!
Fleischesser san do Barbaren.
Unmenschn, de besa net waren.

I bin Buddhist und des hot an Sinn,
a aundere Meinung de is *net* drin.
Wos de aundan vazapfn, des is do a Lug,
Buddhas Lehren san woah, ois aundre Betrug!

Es gibt ebn nua *an* Weg zum Glick,
und *den* waß nua *i*, des is da Trick! -
Vü denkan so, jo leida Got!



Wos oft schlimme Foign hot!

Jeda glaubt, er hot die Weisheit pocht,
ka Wunda, dass daun so oft krocht,
dass si d'Leit bekämpfn bis aufs Messa,
nua wei jeda glaubt, sei Weg is besa.

Wei jeda glaubt, nua so kaun's geh!

Tolerant sei wa grod a so scheid!

Findst net?